



**EVE** | Ente Vasco  
de la Energía

**ENERGIAREN EUSKAL ERAKUNDEAREN (EEE) KLAUSULA  
ADMINISTRATIBO BEREZIEN ETA BALDINTZA TEKNIKOEN PLEGUA,  
PROZEDURA IREKIAZ ESLEITZEKO KONTRATU HAU: IBILGAILU  
ELEKTRIKOAK ENERGIAZ HORNITZEKO ZERBITZUAK EMANGO DITUEN  
ETORKIZUNEKO ENPRESARENTZAKO NEGOZIO PLANA PRESTATZEA,  
EUSKADIKO HIRU LURRALDE HISTORIKOETAN JARDUTEKO**

**ESPEDIENTE ZENB.:**

EDG/007/09

PROZEDURA IREKIA

Bilbon, 2009ko abenduaren 2an



## KARATULA

**ADJUDIKATZEKO ERA:** Lehiaketa irekia.

**ESPEDIENTE ZENB.:** EDG/007/09

### **A. KONTRATUAREN XEDEA**

Ibilgailu elektrikoak energiari hornitzeko zerbitzuak emango dituen etorkizuneko enpresarentzako negozio plana prestatzea, Euskadiko hiru lurralde historikoetan jarduteko.

### **B. ORGANO KONTRATATZAILEA**

EEE, honako helbide hau duena: Bizkaia plaza eraikina. Urkixo zumarkalea, 36 – 1. solairua. 48011 Bilbo..

- o I.F.Z.: Q-5150001E
- o Pertsona arduraduna, teknikaria: Enrique Monasterio Beñaran
- o Telefonoa/faxa/posta elektronikoa: 94-403.56.00 / 94-403.56.99 / [emonasterio@eve.es](mailto:emonasterio@eve.es)
- o Kontratatzailearen eskakizuna edo profila: [www.eve.es](http://www.eve.es)

### **C. LIZIATAZIOAREN GEHIENAKO PREZIOA ETA AURREIKUSITAKO KONTRATUTAREN BALIOA**

- Lizitazioaren gehieneko prezioa: 200.000 euro (BEZa gabe)
- Aurreikusitako kontratuaren balioa: 200.000 euro (BEZa gabe)

### **D. IZAPIDEA**

Ohikoa.

### **E. PROPOSAMENAK JASOTZEKO EPEA**

Eskaintzak edo proposamenak 2009ko abenduaren 12:00ak (12) arte jasoko dira.

### **F. PROPOSAMENAK AURKEZTEKO LEKUA**

Proposamenak Energiaren Euskal Erakundeari zuzenduak aurkeztuko dira, honako helbide honetan: Bizkaia plaza eraikina. Urkixo zumarkalea, 36 – 1. solairua. 48011 Bilbo. Esleitzeko espedientearen zenbakia adierazi beharko da.

### **G. BEHIN-BEHINEKO BERMEA**

Ez dagokio.

### **H. BEHIN BETIKO BERMEA**

Kontratuaren prezioaren ehuneko bostaren (%5) zenbateko baliokidea.

### **I. PREZIOEN BERRIKUSPENA**

Ez dagokio.

### **J. ZERBITZUA GAUZATZEKO EPEA**

Epea: bost hilabete, 5. eranskinean zehazten diren tarteko mugarrien arabera.

### **K. BERMEEI DAGOZKIEN EPEAK**

Ez dagokio.



**L. PUBLIZITATEAREN GASTUAK**

Ez dagokio.

**M. ALDAGAIEN ONARPENA**

Ez dagokio.

**N. KAUDIMEN EKONOMIKOA, FINANTZARIOA ETA TEKNIKOA**

Plegu honen 8.5 klausulan adierazten den dokumentazioa aurkeztu behar da.

**O. ADJUDIKATZEKO IRIZPIDEAK**

Esleipena erabakitzeko erabiliko diren irizpide orokorrak hauexek dira:

<b>(B) GUTUN-AZALA – Formula bidez ebaluatzen ez diren irizpideak</b>		
<b>Irizpidea</b>	<b>Deskribapena</b>	<b>Puntuak</b>
<b>1</b>	Proposamenaren egokitzapena ezarritako helburura	<b>35</b>
<b>2</b>	Eskatutakoari egindako hobekuntza (epearen laburpena, irismen handiagoa, etab.)	<b>10</b>
<b>3</b>	Lan taldea: Eskatzen diren alorretan espezializazio-maila	<b>15</b>
<b>4</b>	Originaltasuna, sormena, antolatze eta koordinatzeko gaitasuna	<b>10</b>
<b>(C) GUTUN-AZALA – Formula bidez ebaluatu ahal diren irizpideak</b>		
<b>Irizpidea</b>	<b>Deskribapena</b>	<b>Puntuak</b>
<b>5</b>	Proposamen ekonomikoa	<b>30</b>
<b>GUZTIRA</b>		<b>100</b>

Proposamen ekonomikoaren balioespena kostu txikiena izango duen proposamenean oinarrituta egingo da, 30 puntu esleituko zaizkio proposamen horri. Aurkeztuko diren gainerako eskaintzak honako formula honen bidez balioetsiko dira:

Proposamen ekonomikoaren puntuak =

$$30 \text{ puntuak} \times \frac{(\text{eskaintzako prezioa})_{\text{kostu txikiena}}}{(\text{eskaintzako prezioa})_{\text{ebaluatze proposamena}}}$$

**P. ZIGORTZEA**

Plegu honetan aurreikusten direnak.

**Q. LUZAPENA**

Ez dagokio.



## **R. LANAK ZATIKA JASOTZEA**

Egingo den lana jasotzeko, 5. eranskinean zehazten den emaneko bakoitza, honako epe hauek ezartzen dira:

1. emanekoa: kontratuaren hasieratik 1.5 hilabetera
2. emanekoa: hasieratik 2 hilabetera
3. emanekoa (zirriborroa): hasieratik 4 hilabetera
3. emanekoa (azkena): hasieratik bost hilabetera

## **S. PREZIOAREN ORDAINKETA**

Atal honetan aurreikusten den ordainketa bakoitza hogeita hamar (30) eguneko epean egingo da, esleipendunak EEERI faktura eman eta azken honek onartzen duen egunetik kontatzen hasita.

## **T. HIZKUNTZA BALDINTZAK**

Kontratu hau Euskal Autonomia Erkidegoko 6. artikuluan eta azaroaren 24ko 10/1982 Oinarrizko Legean (euskararen erabilera arautzekoa) eta hura garatzen duen araudian xedatutako hizkuntza ofizialtasun bikoitzaren mende dago.

Bi hizkuntza ofizialak erabiltzea kontratuaren gauzatze baldintzetako bat da. Hala, bada, betetzen ez bada, kontratu honetako edozein klausula ez betetzeagatik aurreikusi diren ondorioak aplikatuko dira; ez bada, gauzatu beharreko kontratuak berezko dituen ezaugarriek eskatu egiten dutela nahitaez beste hizkuntza bat edo batzuk modu eskusiboan erabiltzea. Dena den, neurri horrek kontratuaren baldintza orrian edo pleguan agertu beharko du.



## OINARRIZKO BALDINTZAK

### 1. ARAUBIDE JURIDIKOA

#### 1.1. Kontratuaren araubide juridikoa:

- Oinarrizko Baldintzen Plegu honetan eta bere karatulan zehaztutakoa, baita Zehaztapen Teknikoen Txostenean jasotzen dena ere. Horrekin batera, Energiaren Euskal Erakundeak (“EEE”) onartutako Kontratatzeko Barne Jarraibideetan adierazitakoa (“KABI”) eta Kontratatzaillearen Eskakizuna atalean argitaratua ([www.eve.es](http://www.eve.es)) eta esleipendunarekin sinatuko den kontratuan jasoko diren baldintzekin eta itunekin bat etorri.
- Sektore Publikoko Kontratuei buruzko urriaren 30eko 30/2007 Legearen arabera (“SPKL”). Plegu honen klausuletan adierazten diren gaietarako dagokienez, soil-soilik.
- Urriaren 12ko 1098/2001 Errege Dekretuaren arabera, Administrazio Publikoen Kontratuen Legearen Araubide Orokorra onartzen duena (aurrerantzean “HAKLEO”), aurreko puntuan azaldutako gaietarako dagokienez.
- Zuzenbide Pribatuaren arauak aplikagarriak izango dira kontratuaren interpretazio, ondorio, betetze eta amaierari doazkien gaiak ebazteko.

#### 1.2. Lanak egiten arituko diren langileei dagokienez, enpresaburu kontratatzaileek bete beharko dituzte indarrean dagoen lan eta gizarte legeria.

#### 1.3. Kontratuaren edozein alderditako ezjakintasunak edo bertan bildutako dokumentuak eta eranskinak edo itundutakoa gauzatzean zerikusia izan dezakeen Administrazioak xedatutako arau, plegu eta aginduen gaineko ezjakintasunak ez du kontratista edo enpresaburua salbuetsiko kontratua betetzeko obligaziotik.

### 2. KONTRATUAREN HELBURUA

Kontratuaren helburua Plegu honen Karatularen “A” ATALEAN adierazia da. Hori guztia baldintza teknikoaren arabera, Zehaztapen Teknikoen Txostenean adierazten dena. Plegu honetan jasoko dena, 5. eranskina, eta betetzeko eska daitezke. Beraz, aipatutako proiektua kontratuan sartuko da eta alde guztiek bete beharko dute.

### 3. LIZITAZIOAREN AURREKONTUA, AURREIKUSITAKO BALIOA ETA KONTRATUAREN PREZIOA

a) Kontratu honen lanak gauzatzeko gehieneko prezioa Plegu honen karatulako “C” ATALEAN adierazitakoa izango da.

b) Aurreikusitako balioa Plegu honen karatulako “C” ATALEAN azaltzen da, aurreikusitako balioa kalkulatzeko, SPKLen 76. artikulua xedatutakoa kontuan hartu da, BEZa gabe.

c) Kontratuaren prezioa esleipenaren ondorioz aterako dena izango da, eta diru-sail independente gisa sartuko du BEZa.

Kontratuaren prezioan gainerako zergak, tasak eta era guztietako kanon aplikagarriak sartuta daudela ulertuko da, bai eta Plegu honetan bildutako betebeharrak betetzeak kontratistari ekarri ahal dizkion gastu guztiak ere (gastu



orokorrak, finantzarioak, onurak, aseguruak, garraioa eta joan-etorriak, berarentzat lan egiten duen pertsonal teknikoaren ordainsariak, bisak, etab.).

d) Enpresa esleipendunak ordainduko ditu gainerako gastuak, kontratuan azaltzen diren lanak behar bezala egiteko, eta beraz, EEEK ez ditu ordainduko, 5. eranskinean ageri den Zehaztapan Teknikoen Txostenaren arabera.

#### **4. PREZIOEN BERRIKUSPENA**

Karatularen "I" **ATALEAN** zehazten dena beteko da.

#### **5. GAUZATZEKO EPEA**

5.1. Gauzatzeko epea Plegu honen Karatularen "J" **ATALEAN** adierazitakoa izango da. Ezarritako epeak betetzeko behar diren aldian aldiko epeak eskaintzan ezarriko dira edo EEEK lan programan onartuko dituenak izango dira.

5.2. Zehaztapan Teknikoen Txostenean lanak egiteko epeak laburtzen edo jardueren ordenamendurako zatikako epeak ezarri gero, ezinbestean bete beharko lirateke, horrela eskaintzen edo ezartzen badira, hurrenez hurren.

5.3. Karatularen "Q" **ATALEAN** hala aurreikusten baldin bada, kontratua amaitutakoan, alde guztien oniritziarekin, kontratua luza daiteke. Luzatzekotan, epea ez litzateke karatularen "J" **ATALEAN** aurreikusitakoa baino luzeagoa izango.

#### **6. ADJUDIKATZEKO ERA**

6.1 EEEK kontratatzekeo dituen barne-jarraibideak edo arauak aplikatuko zaizkio kontratu honi esleitzeko orduan.

Kontratua prozedura irekiaren bidez esleituko da, eta esleipena honako fase hauei jarraituz egingo da:

(i) lehen fasean ("*Eskaintzen aurkezpena*"), interesatutako lizitatzailleek (A), (B) eta (C) gutun-azalak aurkeztuko dituzte.

(ii) bigarren fasean ("*Kontratatistaren hautaketa*") lizitatzailleek aurkeztutako eskaintzen aztertu ondoren, EEEK kontratua formalizatzeko lizitatzaillea hautatuko du.

(iii) hirugarren fasean ("*Formalizazioa*"), EEEK eta hautatutako lizitatzailleak kontratua sinatuko dute.

6.2 EEEK eta kontratistak men egingo diote informazioaren konfidentzialtasuna babesteko obligazioari, KABIren 6.(d) atalean ezarritako moduan.

6.3 Kontratazio-organoa "B" **ATALEAN** azaldutakoa izango da.

6.4 Kontratazio-organoari laguntzeko, kontratazio-mahaia edo organo baliokideren bat era daiteke, eta hauxe arduratuko da parte-hartze eskaerak kalifikatu eta eskaintzak baloratzeaz.

#### **7. PROPOSAMENAK AURKEZTEA**

7.1 Proposamenak aurkezteko epea 2009ko abenduaren 30eko hamabiak (12:00) arte izango da.



- 7.2 Proposamenak honako helbide honetara bidaliko dira: Bizkaia plaza eraikina, Urkixo zumarkalea, 36. 1. solairua. 48011 Bilbo.
- 7.3 Lizitatzailleak postaz bidaltzen badu eskaintza, bidalketa posta-bulegoan zer egunetan egin zuen kreditatu beharko du, eta kontratazio-organoari jakinarazi beharko dio, egun bertan, eskaintza bidali duela. Ez badira bi baldintza horiek betetzen edo bidali izanaren jakinarazpena baldintza honetan adierazitako gehienezko epea igarota egiten bada, ez da eskaintza onartuko.
- 7.4 Espainiako nahiz atzerriko pertsona fisiko nahiz juridikoez aurkez ditzakete proposamenak, baldin eta jarduteko gaitasun osoa badute eta kaudimen ekonomikoa, finantzarioa eta teknikoa kreditatzen badute. Halaber, ezaugarri hori kredita dezakete zerbitzu-enpresatzat sailkatuta daudela egiaztatzen badute, Eusko Jaurlaritzak edo Estatuko administrazio-kontratueterako kontsulta-batzordeak emandako ebazpen bidez. Ildo horretatik, karatulako **"N" ATALA** bete behar dute proposamen-egileek.
- 7.5 Kontratu jakin bat egiteko nahikoa kaudimen dutela kreditatzeko, beste entitate batzuen kaudimena eta bitartekoak balia ditzakete enpresariet, haiekin duten lotura juridikoaren izaera edozein dela ere. Dena den, beti frogatu beharko dute bitarteko horiek egiaz dituztela eskura, kontratua betetzeko.
- 7.6 Proposamenak aurkez ditzakete, halaber, enpresari-taldeek, aldi baterako elkarrekin osatzen badituzte, Sektore Publikoko Kontratuen Legearen 48. artikulua araututako moduan. Enpresa-taldeko enpresariet beren jardute-gaitasuna eta kaudimen ekonomiko, finantzario, tekniko eta profesionala kreditatu behar dute agiri honetako baldintzek xedatu moduan, eta, horrez gain, agiri pribatu batean adierazi beharko dituzte beren izenak eta egoera profesionala, zer-nolako partaidetza duten elkarrekin eta, kontratua indarrean den bitartean, zer pertsona edo entitatek ordezkatzeko dituen, ordezkapen-ahalmen osoz, EEEren aurrean. Enpresari horiet guztiet aldi-baterako enpresa-elkarrekin gisa eratze konpromisoa hartu beharko dute, HAKLEOko 24. artikulua xedatutako moduan. Enpresa-elkarrekin kide diren enpresatoko ordezkari guztiet izenpetu behar dute adierazitako agiria.
- 7.7 Lizitatzailen proposamenetan adierazten diren lizitazio-tipoak, haiek kontratuaren esleipenerako zenbateko zehatz eta jakinetan adierazten diren heinean, bere baitan jasoko dituzte, indarreko araubideari jarraituz, haiei aplikatzekoak diren zerga guztiak. Horren salbuespena BEZa izango da, hura aparteko kontu-sailtzat jasoko baita.
- 7.8 Interesatuiek, hala nahiko balute, intereseko dokumentazioa azter dezakete, EEE erakundeko kontratatzaileen eskakizunean edo profilean lizitazio hau argitaratzean adierazten den lekuan.
- 7.9 Lizitatzailleek ezingo dute proposamen bat baino gehiago aurkeztu, baina aurkeztutako proposamenek egokitzat irizten dituzten soluzio-bariante guztiak jaso ditzakete; betiere, baldintza-orri honetako karatulako **"M" ATALEKO** eskakizunak eta baldintzak betetzen badituzte.



Lizitatuzaileek ezingo dute beste enpresa batzuekin proposamenik izenpetu, baldin eta aurrez banakako enpresari gisa proposamenik egin badute (xedapen horren salbuespen bakarra izango da lote bat baino gehiago izatea eta proposamenak lote bat baino gehiagorako aurkeztea). Printzipio hori urratuz gero, ez dira onartuko enpresariak egindako proposamen guztiak, eta, ildo horretatik, Sektore Publikoko Kontratuen Legeko 129.3 artikulua arautzen duena beteko da.

Adierazitakoa betetzeko izango bada ere, lizitatuzaileek aukera izango dute, kontratuak lote bat baino gehiago baditu, bai kontratu-xede osorako eskaintza bat egiteko (eskaintza hori banakatu egingo da lote bakoitzerako) edo lote bat edo batzuetarako eskaintzak egiteko.

7.10 Dokumentazioa euskaraz edo gaztelaniaz idatzita aurkeztu behar da. Atzerriko enpresek hizkuntza horietakoren batera itzulita aurkeztu behar dute dokumentazioa.

7.11 Eskaintzarik eginez gero, enpresariak baldintzarik gabe onartuko dituzte baldintza-orri edo Plegu honetako klausula guztiak, eta eskaintza horri ardurapeko adierazpen bat erantsiko diete, EEEekin kontratatze baldintza guztiak betetzen dituztela esanez.

## **8 PROPOSAMENEN EDUKIA**

8.1 Lizitatuzaileek hiru gutun-azal aurkeztuko dituzte, eta, horietan guztietan, datu hauek adieraziko dituzte: lizitatuzailearen izen-abizenak edo enpresaren izena; gaia adierazteko, espedientearen erreferentzia-zenbakia adieraziko dute; eta, kontratu-xede adierazteko, baldintza-orri honetako karatularen **"A" ATALEAN** adierazitakoa zehaztuko dute.

8.2 Hiru gutun-azalak helbide honetara bidaliko dira: Bizkaia plaza eraikina, Urkixo zumarkalea, 36 - 1. solairua, 48011 BILBAO. Baldintza-orri honetako karatularen **"E" ATALEAN** adierazitako epean bidali behar dute, eta/edo, hala adierazten bada, lizitazio-iragarkian zehaztutako epean.

"Gaiari" dagokion epigrafean, hau adieraziko da gutun-azal bakoitzean:

- **"A" gutun-azala:** "Lizitazio-espedientearen zenbakia: dokumentazio orokorra"
- **"B" gutun-azala:** "Lizitazio-espedientearen zenbakia: Formula bidez ebaluatu ezin diren irizpideak"
- **"C" gutun-azala:** "Lizitazio-espedientearen zenbakia: Formula bidez ebaluatu ahal diren irizpideak"

8.3 Baldintza-orri honetako 8.5. atalean zehaztutako agiriak jasoko ditu "A" gutun-azalak, "B" gutun-azalak 8.6. atalean zehaztutakoa eta "C" gutun-azalak 8.7. atalean jasotakoa.

8.4 Proposamenak entregatuz gero, lehiatzaileek onartu egin beharko dute lizitazioa, baldin eta esleipendun suertatzen badira. Proposamena aurkeztu ondoren, ezingo da hura erretiratu, baldin eta EEEk uste badu badagoela horretarako arrazoi justifikaturik.





### 8.5 "A" gutun-azala: Dokumentazio orokorra.

- EEEko sarrera-erregistroan aurkeztuko da dokumentazio hori, gutun-azal itxi baten barruan. Gutun-azalean, espediente-zenbakia adieraziko da, eta, horrez gain, baldintza-orri honen karatulako "A" **ATALEAN** adierazitako deskribapena idatziko da, "Dokumentazio orokorra" dela iragarritz.
- Dokumentazio orokorraren atalean, Eusko Jaurlaritzako kontratisten erregistroan erregistratuta dauden lizitatzailleek eta Estatuko lizitatzailleen eta enpresa sailkatuen erregistro ofizialean erregistratuta daudenek nahikoa izango dute erregistratuta izatearen ziurtagiriaren kopia aurkeztea. Horrekin batera, ardurapeko adierazpen bat aurkeztu beharko dute, erregistroan adierazitako datuak baliozkoak direla eta indarrean daudela bermatuz.
- Adierazitako erregistroetan erregistratuta ez dauden enpresariak, sarrera-erregistroa agertu, eta agiri hauek erantsi beharko dituzte "A" gutun-azalean:
  - a. Proposamena aurkezten duen pertsonaren nortasun agiri nazionala edo haren baliokide den agiri fede-emailea, eta beste pertsonaren baten izenean agertzen edo proposamenak izenpetzen dituzten pertsonak, berariazko ahalorde askietsia ere aurkeztu behar dute.
  - b. Pertsona juridikoak diren enpresarien jarduteko gaitasuna kreditatzeko, haien eraketa-eskritura edo aldaketakoa aurkeztu behar dute. Eskritura horrek merkataritza-erregistroan inskribatuta egon beharko du, baldin eta hari aplikagarri zaion merkataritza-legediak hala eskatzen badu. Hala ez balitz, jarduteko gaitasuna kreditatzeko, eraketaren eskritura edo agiria, estatutuak edo sorrera-egintza aurkeztu beharko dituzte. Bertan, jarduera arautzeko arauak agertu beharko dira, eta behar bezala inskribatuta egon beharko dira kasuan kasuko erregistro publikoan.
  - c. Jarduteko gaitasuna kreditatzeko, kontratatzeko adina ahalmen ematen duen ahalorde askietsia aurkeztu beharko dute, aurreko atalean xedatutakoa betez.
  - d. Ardurapeko adierazpena, ahalmendutako pertsona batek izenpetua, eta behar bezala adieraziko duena enpresariak ez duela Sektore Publikoko Kontratuen Legeko 49.1. artikuluan araututako debeku, ezgaitasun edo bateraezintasuneko kausarik betetzen. Alderdi hori kreditatzeko, beteta eta izenpetuta aurkeztuko dituzte baldintza-orri honetako **2. eta 3. ERANSKINAK**.
  - e. Alderdi hori kreditatzeko, beteta eta izenpetuta aurkeztuko dituzte baldintza-orri honetako 2. eranskina. Adierazpen horretan, berariaz azaldu beharko dute egunean betetzen dituztela zerga-betebeharrak eta gizarte-segurantzarekikoak. Horrez gain, hautatutako enpresaburuak alderdi horiek betetzen dituela kreditatu beharko du kontratua formalizatu baino lehen.



- Baldintza-orriko karatulako "G" **ATALEAN** hala jasotzen bada, abal bat eratu izanaren agiria aurkeztu beharko da. Behin-behineko bermea izango da abal hori, eta atal horretan adierazitako zenbatekoa izan behar du. Hautatutako enpresariak kontratua formalizatzen duenean, amaitu egingo da behin-behineko bermearen indarraldia, eta itzuli egingo zaie hura hautatuak izan ez diren lizitatzailerei.

Azpikontratazioa. Lizitatzailerek adierazi beharko dute, baldin eta azpikontratatzeko asmorik badute, kontratuaren zer parte azpikontratatu duten, eta guztizkoaren ehunekotan adierazita, azpikontratisten izena edo profil profesionala eta horien kaudimen teknikoa eta profesionala. Horren inguruan egin litekeen edozein aldaketa EEEn oniritziaz egingo da, Plegu honen 24. atalean adierazten den bezala.

- Lizitatzailerearen kaudimen ekonomikoa, finantzarioa eta teknikoa edo profesionala kreditatzeko, kaudimen hori dutela egiaztatzen duten honako agiri hauek aurkeztu behar dituzte:

- Kaudimen ekonomikoa eta finantzarioa

1. Finantza-erakundearen txostena, edo, haren ezean, arrisku profesionalen kalte-ordainerako aseguru bat izatearen frogagiria.
2. Urteko kontuak, merkataritza-erregistroan edo dagokion erregistro ofizialean aurkeztutakoak. Kontuak erregistro ofizialetan aurkezteko obligaziorik ez duten enpresariak, bestalde, kontabilitate-liburuak aurkez ditzakete, behar bezala legeztatuta.
3. Negozioen bolumenari buruzko adierazpena, edo haren ezean, kontratu honi lotutako jarduerekin zerikusia duten jardueren negozioaren bolumenarena, azken urtean izandakoen datuei dagokienez.

- Kaudimen teknikoa edo profesionala

1. Azken 3 urtean honen antzeko ezaugarriak dituztenen kontratu nagusien zerrenda, haien prezioak, datak eta onuradunak adieraziz.
2. Esleipen honen lanak egiteko lan-taldearen deskribapena, alor horretan langileen gaitasuna eta esperientzia azalduz.

Behar bezala arrazoitutako kausak direla medio, enpresariak ezingo balitu eskatutako erreferentziak eman, bestelako dokumentazioa balia dezake bere kaudimen ekonomikoa eta finantzarioa kreditatzeko, baldin eta EEEn egokitzen jotzen badu egiaztapen-bide hori.

- Espainiarrak ez diren Europar Batasuneko enpresek eta gainerako enpresa atzerritarrek horrela kreditatu behar dute beren jarduteko gaitasuna eta kaudimen ekonomiko, finantzario, tekniko eta profesionala:
  1. Gaitasuna
    - Espainiarrak ez diren Europar Batasuneko herrialdeetako enpresek edo Europako Eremu Ekonomikoari buruzko Ituna izenpetu duten herrialdeetako enpresek nahikoa izango dute erregistroan inskribatuta daudela kreditatzea edo HAKLEOko I. eranskinean adierazten diren ziurtagiriak aurkeztea.



- Gainerako enpresa atzerritarrek,
  - Haien herrialdeek Espainian duten misio diplomatiko iraunkorrek edo kontsul-etxeak emandako txostena aurkeztu behar dute. Txosten horrek behar bezala kreditatu beharko du, enpresak hala frogatu ondoren, lanbidezko, merkataritzako edo dagokion alorreko toki-erregistroak inskribatuta daudela, edo, horretarako obligaziorik ez balute, ohikotasunez lan egiten dutela, tokiko lan-eremuan, kontratuaren xedeari dagokion jarduera-esparruan.
  - Horrez gain, enpresaren jatorriko herrialdeak Espainian duen Misio Diplomatiko Iraunkorrek edo Ekonomia Ministerioko Kanpo Merkataritzako Idazkaritza Orokorrak emandako txosten bat aurkeztu behar dute. Txosten horretan, dagokion herrialdeak Merkataritzako Mundu Erakundeak kontratazio publikoari buruz adostutako ituna izenpetu duela adierazi behar da.
  - Enpresak Espainian sukurtsal bat irekia duela kreditatzen duten agiriak, eta, horietan, zehaztuko da zer ahalzun edo ordezkari dituzten izendatuta enpresa-eragiketarako, eta merkataritza-erregistroan inskribatuta daudela.

2. Kaudimen ekonomikoa eta finantzarioa, teknikoa edo profesionala  
Klausula honetako aurreko ataletan adierazitako moduan kreditatuko da. Europar Batasunekoak ez diren enpresa atzerritarrek kreditatu egin behar dute, baldintza hori Espainiako enpresei eskatzen bazaie, sailkatuta daudela, baldintza-orri honetako Karatularen "**N**" **ATALEAN** xedatutako moduan.

- Lizitazioan parte hartzeko, zenbait enpresarik aldi baterako enpresa-elkartea eratzen badute, enpresa bakoitzak bere gaitasuna eta kaudimena egiaztatu beharko ditu, aurreko puntuetan adierazitakoaren arabera, eta, kasuan betetzekoa bada, SPKLeko 56.5 artikulua kontratisten sailkapenari buruz arautzen duena aplikatuko zaie.

Lizitazioa enpresa-elkarteari esleitzen bazaio, kontratazio-organoari kreditatu behar zaio enpresa-elkartea eskritura publiko batean eratu dela, eta ordezkari edo ahalzun bakarra izendatu beharko da. Ordezkari horrek nahikoa ahalmen izan behar du kontratutik eratorritako eskubideak erabili eta obligazioak betetzeko, harik eta kontratua amaitzen den arte. Enpresa-elkarteen iraupenak bat etorri behar du kontratuaren iraupenarekin, harik eta azken hori amaitzen den arte.

- Enpresen langilerian ehuneko bikoia edo handiagoa bada ezintasunak dituzten langileen ehunekoia, berariaz emandako ziurtagiri bidez edo agiri egokiz frogatu beharko da baldintza hori betetzen dela, baldin eta enpresek SPKLeko seigarren xedapen gehigarriak eta Osasun eta Kontsumoko Ministerioak 2001eko abenduaren 17an emandako Aginduak xedatutakoaz baliatu nahi badute.



## 8.6 "B" gutun-azala: Formula bidez ebaluatu ezin diren irizpideak.

Lizitatzailleak honako dokumentazio tekniko hau aurkeztuko du:

- a) Memoria deskriptiboa eta lan metodologia: Egingo diren lanen deskribapena. Horretaz gain, jarraituko den lan metodologia ere aurkeztuko da, EEerekin izango dituen harremanak barne.
- b) Jarduera-egutegia: egingo diren lanei dagokien egutegia aurkeztuko da, lanak gauzatzeko ezarritako gehieneko epeetan izan litezkeen aurrerapenak onartuko dira.
- c) Kontratua gauzatzeko arituko den lan taldea: Plegu teknikoan azaltzen diren lan guztiak egiteko esperientzia egiaztatua eduki beharko du lan taldeak.
- d) Bitarteko materialak: Enpresa eskaintzaileak egitasmoa gauzatzeko erabiliko dituen bitarteko materialak deskribatuko dira 8kudeaketa administratiboa, ibilgailuak...).
- e) Proposatzen diren hobekuntzak: Dokumentu honetan zehazten diren baldintzei egindako hobekuntzak adieraziko dira.

Nolanahi ere, Zehaztapen Teknikoen Txostenean eta baldintza-orri honetako **"O" ATALEAN** adierazitakoa esleipen-irizpideak baloratzeko behar den dokumentazio guztiak jaso behar dute lizitatzailleek gutun-azal honetan. Proposamen teknikoa honako lizitazio hau eskatu duen sailaren zerbitzu teknikoei helaraziko zaie, aurkeztutako proposamenak balioesteko.

Zerbitzu teknikoaren txostenean lizitatzaillearen proposamenak balioesteaz gain, balioesteko irizpideak eta horietako bakoitzari emandako puntuazioa ere kontuan hartuko dira.

Adierazitako agiri horietakoren bat faltako balitz edo ez badira zorrotz betetzen aurreko ataletan adierazitako alderdiak, eskaintza bazter uzteko aukera izango da.

## 8.7 "C" gutun-azala: Formula bidez ebaluatu ahal diren irizpideak.

Baldintza-orri honetako 1. ERANSKINEAN jasotako proposamen-ereduari jarraituko zaio (prezioak ezingo du gainditu aurrekontuari ezarri zaion gehieneko zenbatekoa), eta proiektuak adierazitakoa beteko da. Aparteko kontu-sail batean jasoko da balio erantsiaren gaineko zerga.

Proposamen ekonomikoa bide mekanizatuak erabiliz idatziko da eta izenpetuta aurkeztuko da; horiek horrela, ez dira onartuko gabeziak edo akatsak dituzten proposamenak, ezta eskaintzaren edukia zein den argitasunez jakitea eragotz dezaketen marraketak dituztenak. Alderik balego zenbakiz eta idatziz jasotako zenbatekoen artean, azken hori gailenduko da. Lizitatzailleek ezingo dute, SPKLeko 129. eta 131. artikuluei jarraiki, proposamen bat baino gehiago aurkeztu, baina aurkeztutako proposamenek egokitzat irizten dituzten soluzio-bariante guztiak jaso ditzakete; betiere, baldintza-orri honetako Karatularen **"M" ATALEKO** eskakizunak eta baldintzak betetzen badituzte. Bariante bat baino gehiago aurkeztuz gero, bariante bakoitzari dagokion proposamen ekonomikoa aurkeztu behar du lizitatzailleak.



## **9 PROPOSAMENAK IREKITZEA ETA AZTERTZEA**

- 9.1 Proposamenak aurkezteko epea amaituta, lizitatzailleek aurkeztutako dokumentazioa kalifikatuko da.
- 9.2 Eskatutako dokumentazio administratiboa faltako balitz edo aurkeztutako agiriak akastunak badira, ez da onartuko lizitatzailleak egindako proposamena. Proposamenak akats materialak balitu, HAKLEOko 81. artikulua araututakoa beteko da, eta hiru (3) egun balioduneko epea emango da haiek zuzentzeko. Telefonoa erabiliko da izapide honen berri emateko; zehazki, lizitatzailleak eskaintzan adierazitako telefono-zenbakia.
- 9.3 Baztertu egingo dira gaitasuna eta/edo kaudimen ekonomiko eta finantzario nahiz tekniko edo profesionala baldintza-orri honetan adierazitako moduan kreditatu ez duten lizitatzailleak, bai eta, kasu horretan badaude, zerbitzu-enpresen sailkapena kreditatu ez dutenak ere.

## **10 ESKAINTZA HAUTATZEKO OINARRIZKO IRIZPIDEAK**

- 10.1 Lehiaketa esleitu gabe uzten ez badu, esleipena abantailatsuena den proposamenari egiteko aukera izango du EEEK, eta, horretarako, ez du, ezinbestean, haren balio ekonomikoari erreparatu behar.
- 10.2 Baldintza-orriaren karatulako **"O" ATALEAN** adierazitako oinarrizko balorazio-irizpideak baliatuko dira eskaintzak baloratzeko.
- 10.3 Irizpide gehigarri gisa, baldin eta horrela ezarri bada, eta proposamen ekonomikoei dagokienez, positibotzat joko dira lanak egiteko eta epeak betetzeko bermeak aurkezten badira.
- 10.4 Ildo horretatik, proposamen ekonomikoa ez da izango, berez, erabakigarria, baina esleipen-erabakiaren joera izango da, lehiaketako eskaintzei erreparatu ondoren, egin beharreko lanen arrazoizko baliora gehien gerturatzen diren eskaintzak hautatzea.
- 10.5 Baja arinei dagokienez, HAKLEOko 85. artikulua eta SPKLeke 136. eta 174.1.a artikuluek xedatutakoa beteko da.
- 10.6 Esleipenerako oinarri diren irizpide objektiboak aztertu ondoren, bi lizitatzaileren edo gehiagoren artean berdinketa balitz, enpresa hau aukeratuko da: kaudimen tekniko kreditatzeko unean, lan-plantillan ezintasunak dituzten langileen kopurua langile guztien ehuneko biko edo handiagoa duena.

## **11 ENPRESABURU ESLEIPENDUNA AUKERATZEA**

- 11.1 EEEren iritziz, eskaintza ekonomiko abantailatsuena nork egin duen hautatu ondoren, lizitatzaille guztiei emango zaie erabaki horren berri, erabaki hori Kontratatzaillearen Eskakizuna edo Profilean argitaratuz.
- 11.2 Eskaintzak baloratu eta enpresaburu esleipenduna hautatzeko gehienezko epea hogeita bost (25) eguneko izango da, proposamenak aurkezteko epea



amaitzen den egunetik aurrera. Epe hori igaro ondoren, erabakia jakinarazi ez bada, lizitatzailleek, egoki irizten badute, beren proposamenak erretiratzeko asmoa dutela jakinaraz dezakete.

11.3 Kontratua sinatu aurretuk, zenbait agiri aurkeztu behar dizkio EEERI hautatutako enpresaburuak. Horretarako, hamar (10) egun balioduneko epea izango du gehienez, agiri horiek eskatzen zaizkion unetik aurrera. Hauek dira agiriok:

- Ziurtagiri positiboa, foru-aldundiak edo, enpresaren lurralde-esparruari erreparatuta, zerga-administrazioko estatu-agentziak emandakoa, zerga-betebeharrak egunean betetzen dituela adierazten duena, eta/edo toki-erakundeak emandako ziurtagiria, hari dagozkion zergak egunean betetzen dituela adieraziz. Horrez gain, jarduera ekonomikoen gaineko zergako alta-agiria edo zerga horretako azken erreziboa aurkeztu behar du, eta, horrekin batera, ardurapeko adierazpen bat aurkeztuko du (**4. ERANSKINA**) zerga horretan bajarik ez duela hartu azalduz.
- Gizarte-segurantzarekiko obligazioak egunean betetzen dituela kreditatzen duen ziurtagiri positiboa; edo, halakorik ezean, dagokion mutualitateko alta-agiria.
- Behin betiko bermea eratu izanaren frogagiria, baldin eta betebeharrak hori finkatu bada karatulako **"H" ATALEAN**. Sektore publikoko kontratuen legeko 84. artikuluan adierazitako bideak erabiliko dira bermea eratzeko.
- Aseguru enpresak egiaztatuta, aseguru guztien egokitzapena, estaldura eta indarrean dauden dokumentuak, Plegu honen 21. atalean jasotzen diren baldintzen arabera.

EEEko sarrera-erregistroan aurkeztu behar dira agiri horiek guztiak.

## 12 KONTRATUAREN FORMALIZAZIOA

12.1 EEEK bere gain hartzen du eskaintzaren edukia egiaztatzeko gaitasuna, bai eta kontratuaren formalizazioaren aurretiko dokumentazio administratiboa egiaztatzekoa ere.

12.2 Kontratuaren formalizazioa enpresariari bere eskaintza onartua izan dela jakinarazi ondorengo egunean hasiko da, eta hamar (10) egun naturaleko epean egingo da.

12.3 Kontratuaren formalizazioaren bitartez, EEEK kontratuzko onarpena adierazten du eta modu horretara, kontratua perfektionatzen da.

12.4 Kontratuak bere baitan bilduko ditu EEEK kontratatzeke dituen barne arauan jasotako aipamenak.

12.5 Kontratua ezin izango da formalizatu enpresariak baldintza-orri honetan zehazten diren dokumentu guztiak aurkezten ez baditu. Kontratua enpresariari egotz dakizkion arrazoiengatik formalizatuko ezin balitz, EEEK



behin-behineko bermea konfiskatzeko eskubidea izango du, horrelakorik izango balitz. Behin-behineko bermerik ez balego, enpresariak EEEri kalte-ordaina eman beharko dio. Kalte-ordaina gehienez ere kontratuaren aurrekontuaren ehuneko hirukoa izango da.

12.6 Kontratua dokumentu pribatuan formalizatuko da, eta formalizazio horretatik eratorritako gastu eta zerga guztiak hautatutako enpresariak ordaindu beharko ditu.

12.7 Kontratua enpresa-talde bati esleituz gero, enpresa horiek talde horren eraketa frogatu beharko dute eskritura publiko baten bitartez eta kontratuaren formalizaziorako zehaztutako epean. Enpresa-taldeari emandako IFZ ere aurkeztu beharko dute.

12.8 Esleipendunak isilean gorde beharko ditu kontratua dela eta ezagutuko dituen eta kontratuarekin zerikusia duten ezkutuko datu eta aurrekari pribatuak.

### **13 KONTRATUA GAUZATZEA**

- a) Kontratua klausula eta pleguetan ezarritakoari atxikita beteko da, eta kontratazio-organoak, honen ordezkariak edo kontratuaren arduradunak kontratistaren esku utz ditzakeen interpretazio jarraibideen arabera.
- b) Kontratua kontratistaren arrisku eta zoriaz beteko da.
- c) Kontratistak bere gain hartuko du garatutako lanen eta burututako eginkizun eta zerbitzuen kalitate teknikoaren ardura, baita EEErentzat edo hirugarrenentzat kontratua betetzean gerta daitezkeen hutsegite, akats, metodo desegoki edo ondorio okerrek eragindako ondorioen erantzukizuna ere.
- d) Kontratua behar bezala betetzeko, kontratistak konpromisoa hartzen du informazio osagarria eta laguntza teknikoa emateko (dokumentuak eta mota guztietako informazioa).
- e) Lanak egiten diren bitartean, kontratuaren aplikazio zuzenaren eta istripu edo kalteen, pertsonen, materialei eta hirugarrenei gerta dakizkienak, ardura kontratistarena izango da
- f) Kontratua indarrean dagoenean eta kontratua amaitu ondoren, kontratista derrigortuta dago isilpeka gordetzera kontratuaren helburuekin zerikusia duten datu eta aurrekariak, bereziki jakinak eta agerikoak ez direnak, baita kontratua bete ahala ezagut ditzakeenak ere.
- g) EEEK ez dio ordainduko kontratistari kontratuan zehaztuta ez dagoen ezein lan edo kontratazio-organoak edo kontratuaren arduradunak aldeztu aurretik baimendu ez duen ezein lan.
- h) Kontratua amaitutakoan, kontratuaren helburuak diren lanak jasotzeko ekitaldi formala egingo du EEEK. Une horretatik aurrera, Plegu honetan aurreikusten den bermearen epea hasiko da kontatzen.



## **14 KONTRATUAREN ALDAKETA**

- a) Ezustekoei eta egoera berriei aurre egin ahal izateko EEEK zerbitzu-kontratua aldatzeko gaitasuna izango du, baina aldaketa horrek ezin izango du hasierako kontratuaren ehuneko 20a gainditu. Kontratistak derrigorrean onartu behar ditu aldaketa horiek. Aldaketek, kasu bakartuetan edo bere osotasunean ehuneko hori gaindituz gero, kontratistak kontratua eten dadin eskatzeko eskubidea du. Kontratuzko aldaketen prezioa bi aldeek zehaztuko dute, bakoitzak bere prezioak ezarriz eta horiek negoziatuz.
- b) Kontratistak ezin izango du inolako aldaketarik egin kontratuaren xedeari dagokionez, aldez aurretik adostasunez egin ez bada, eta hala badagokio, kontratazio-organoak ezarritako aurrekontuaren gainean.

EEEren oniritzia edo baimena ez duten aldaketek erantzukizuna ekarriko diote kontratistari, eta horiek eragin ditzakete gastuak kontratistaren kontura joango dira.

## **15 KONTRATUAREN LUZAPENA**

Baldintza-orri honetako Karatulan aurreikusten diren baldintzak betez luza daiteke kontratua.

Aurreikusitako luzapenak gertatuko balira, kontratuaren prezioa hasieran zehaztutakoa izango litzateke, baina, luzapeneko urte bakoitzean berraztertu egingo da aurreko urteari dagokion KPIa aplikatuz. KPIa Estatistikako Institutu Nazionalak ezarritakoa izango da.

## **16 PREZIOAREN ORDAINKETA**

Kontratistak EEEren adostasunarekin burututako eta emandako lanengatik ordainsaria jasotzeko eskubidea izango du, lanei dagozkien fakturak aurkeztuta.

Plegu honetako karatulan adierazten da prezioaren ordainketa nola egingo den.

Inola ere ezingo da ordainketarik egin kontratua formalizatu arte.

Kontratuaren arduradunak emandako berariazko baimena jaso ezean, kontratistak ez du egindako hobekuntzak kobratzeko eskubiderik.

Plegu honetan jasotzen den bezala, EEEK kontratistari ezarri ahal dion zigor ekonomikotik prezioa kentzeko eskubidea du.

## **17 BEHIN BETIKO BERMEA**

Kontratistak, kontratua indarrean dagoen epe guztian zehar eta ikerlana behin betiko jasotzeko ekitaldi formalera arte, behin betiko bermea jarri eta eduki beharko du, lanak behar bezala egingo direla bermatzeari begira, Plegu honetan eta Zehaztapen Teknikoen Txostenean ezartzen diren epe eta baldintzei jarraiki.

Aipatutako behin betiko bermearen zenbatekoa kontratuaren ehuneko bost (%5) izango da.





Bermea ezartzeko bidea Plegu honen 3. eranskinean azaltzen da.

Kontratua bertan behera geratuko balitz, eta horren arrazoiak kontratistari egotzi dakizkioke, kontratuan jasotako prestazioak edo kantitateak itzultzeaz gain, EEEK eskubidea izango du kalte-ordaina jasotzeko, kontratistak hartutako konpromisoak ez betetzeagatik, eta horren ondorioz, ezarritako behin betiko bermea bahituko du.

## **18 EPEAK ETA BERANDUTZEAGATIKO ZIGORRAK**

a) Kontratista derrigortuta dago kontratua Plegu honetako Karatulan finkatutako epeetan gauzatera; baita proposamen teknikoarekin batera aurkeztutako lan-plangintzan jasotzen dena ere.

b) Kontratista edozein epeetan berandutu egin dela jotzeko, ez da beharrezkoa izango EEEK aldez aurretik ohartarazpenik egitea. Atzerapen horiei dagozkien zigorrak EEEK ezarriko ditu automatikoki.

c) Azken epea amaitu eta kontratista berandutu egin bada berari egotz dakizkiokeen arrazoiak direla eta, EEEK adostutako azken prezioaren %20ko zigorra ezar diezaioke.

Zigorren zenbatekoak ez du kanpo uzten EEEK kontratistaren berandutzeagatik sortutako kalte-galerak direla kausa eska dezakeen kalte-ordaina, ez eta EEEK kontratua suntsiarazteko duen eskubidea ere.

d) Era honetako zigorrak ezartzeko prozeduran kontratistari alegazioak egiteko aukera eman beharko zaio derrigorrez, kontratuaren arduraduna entzun ondoren.

## **19 KONTRATISTAK KONTRATUA AKATSEZ BETETZEA EDO ZATIKA BETE GABE UZTEA**

EEEk zehaztuko du kontratistak egindako lana gauzatze eta betetze-aldiari begira ezarritako preskripzioekin bat datorren ala ez, eta behar izatekotan, kontratatutako zereginak bete ditzala edota harrera aldian igarritako akatsak konpon ditzala eskatuko dio. Zuzenketa horiek egiteko epea hamabost (15) egunekoa izango da gehienez ere.

Egindako lanak ez badatoz bat kontratatutako zereginekin, kontratistari egotz dakizkiokeen akatsak edo hutsegiteak medio, EEEK lan horiek errefusatu eta ordainketa egitetik salbuetsita geratzeko aukera izango du, eta horrekin batera, kontratua bera indargabetu ahal izango du, eta kontratistari, zigor gisa, adostutako azken prezioaren %20 eskatu ahal dio.

Zigor horien barruan ez daude, kalte-ordain moduan, EEEK jasotzeko eskubidea izan dezakeen diru kantitatea, kontratistak epeak eta beste ez betetzeagatik sor daitezkeen kalteen ondorioz.

## **20 KONTRATISTAREN BETEBEHARRAK**

### **20.1 Lan arriskuen prebentzioa**

Esleipendunak bete eta bere ardurapeko langileei betearaziko dizkie lan legeriak arriskuen inguruan xedatutako arau guztiak; baita aplikagarria zaien Lan Ituna, eta



bereziki, Lan Arriskuen Prebentzioaz diharduen azaroaren 8ko 31/1995 Legeak dioena bete eta betearaziko du.

## **20.2 Betebehar laboral eta sozialak**

a) Kontratatik, esleitu zaion lana egiteko kontratatzen dituen langileei dagokienez, indarrean dagoen gai laboralei buruzko araudia eta Gizarte Segurantzari, ezinduen integrazio laboralari eta lan-arriskuen prebentzioari buruzko araudiak bete behar ditu. Gizarte-formazioarekin zerikusia duten azken araudi horien kasuan, azpikontratatuak –halakorik izanez gero– bere langileei dagokienez, indarrean dagoen gai laboralei buruzko araudia beteko duela ziurtatu behar du kontratatik.

b) Kontratu hau betetzeko aplikagarria diren heinean, kontratatik espresuki adierazi behar du higie, segurtasun eta ingurumen alorreko araudi eta legeak bete eta betearazteko bitartekoak, gaitasuna eta ezagutza dituela, eta kontratua betetzean horrelako gaien inguruan gerta litezkeen erreklamazioei aurre egiteko konpainiak ez du inolako ardurarik.

c) Kontratatik bere menpeko langile guztiei babesteko ekipo homologatuak eman behar dizkie, kontratuan aurreikusten diren lanen segurtasunak edo arriskuak hala eskatzen badu, aplikagarria izan dakioken lan arriskuak prebenitzeko planaren arabera. Horrekin batera, langile horiek ekipoak behar bezala erabiltzeko prestakuntza jaso dutela bermatu behar du.

d) Kontrata behartuta dago lana baldintza duinetan egiten dela bermatzera, bai bere enpresan, bai hark azpikontratutako enpresetan (halakorik izanez gero). Horrez gain, langileei dagokien sektoreko hitzarmenak beteko dira, batez ere pertsonalaren subrogazioari dagokionez.

e) Lanei atxikitako beharginek kontratistaren menpe jardungo dute, eta honek enpresariari dagozkion eskubide eta betebeharrak izango ditu beharginen gainean.

f) Kontratu hau sinatzeagatik EEEK ez du inolako betebehar eta erantzukizunik izango gizarte eta lan betebeharren inguruan, legez kontratatik bere menpeko langileekin dituenak, alegia. Nolanahi ere, kontratatik konpromisoa hartzen du EEEri erreklamaziorik ez eskatzeko, haren langileek edo beste batek aipatutako betebeharrak izan ditzaketean arazoan aurrean.

g) Orokorrean, kontratatik aurre egin beharko die enplegatzaile gisa dagozkion betebeharrei, bai eta kontratatik edo honen azpikontratatik langileekin dituzten lan-harremanak edo bestelakoak erregulatu eta garatzen dituzten arauak betetzetik datozkienei ere, eta EEEri ez zaizkio leporatuko horietako edozein ez betetzeak sor ditzakeen isun, zigor edo bestelako erantzukizunak. Edozein kasutan, kontratatik oso-osorik ordainduko dio EEEri. Plegu honetako betebeharrak ez betetzeak zehaztuta daukan kalte-ordaina, nahiz eta ebazpen judizial edo administratiboak ezarritakoa izan

h) EEEK hala eskatzen badiu, kontratatik dokumentatuta egon daitezkeen betebeharrak betetzen direla egiaztatzen duten dokumentu guztiak aurkeztuko dizkio. Aurkezten ez badiu edo justifikatu gabeko luzapena gertatzen bada, kontratuan ezarritako betebehar bat ez dela betetzen ulertuko da, eta, beraz, EEEK



kontratua bertan behera uzteko eskubidea izango du, 26. klausulan edo atalean adierazten den moduan.

i) Kontratua iraungita, ezin izango dira inola ere EEEko langile bihurtu kontratuan zehaztutako zereginetan jardun duten beharginak.

j) Kontratistari egokituko zaizkio, eta bere kontura joango dira, kontratua betearazteak ekarri ahal dizkion kostu guztiak.

k) Behar bezala justifikatuta ez dauden atzerapenak edo dokumentazioa ez aurkezteak ekarriko du kontratua ez betetzea, eta, beraz, EEEk bertan behera utz dezake kontratua, 26 atalean jasotzen den moduan.

### **20.3 Ingurumenari buruzko betebeharrak**

Kontratistak eta bere ardurapeko azpikontratek egingo dituzten lan guztietan saihestuko dituzte kalte edo eragin kaltegarria ingurumenean, animalietan eta landaretan, eta egin beharreko lanen ondorioz eragingo diren gorabehera edo kalteak ekiditeko edo murrizteko erabaki edo neurri guztiak hartuko ditu.

Ingurumen alorrean agintari eskudunek emandako eta ezarritako lege, araudi eta gomendio guztien arabera egingo ditu lan guztiak kontratistak. Horretaz gain, EEEk eman ditzakeen arau guztiak ere beteko ditu, eta bete ezean, kontratista bera izango da arduradun bakarra.

### **20.4 Hirugarrenen baimenak**

EEEk bere kabuz egin ditzakeen kontratuzko eragiketak eta kudeaketa-lanak alde batera utzita, kontratistak bere lana egiteko beharrezkoak diren baimen eta lizentziak lortu beharko ditu, haiek norbanakoei, elkarteei, enpresei eta erakundeei eskatuz. Baimen horiek lortzeko zerbait ordaindu beharko balitz, diru-kopuru hori ere kontratistak ordaindu beharko du.

## **21 ASEGURUAK**

Kontratuak honako aseguru hauek eduki behar ditu:

- a) Erantzukizun zibil profesionalaren asegurua. Aseguru honek EEErentzat diharduten profesionalek (abokatu, ingeniari, ingeniari teknikoek...) beste bati eragin ahal dizkioten kalte edo zauriak, pertsonalak edo materialak, estaltzeko bermea eman behar du.

Aseguru hau ospe handia duen aseguru enpresa batekin sinatu behar da, eta gutxieneko kalte-ordaina ez da 600.000 euro baino txikiagoa izango.

1.- Kontratuari lotutako lanei ekin aurretik, kontratistak egindako aseguruaren kopia edo egiaztagiria emango dio EEEri, eta horien baldintzei eta indarraldiari lotutako aldaketen berri eman beharko du. Baldintza horiek aldatuko lirateke, behar izanez gero, EEEren iritziz.

2.- Kontratistak dokumentu honetan aipatzen diren aseguruak kontratatzen ez baditu, edo aseguruak indarrean daudela egiaztatzen dituzten agiriak hogeita



hamar (30) egun naturaleko epean aurkeztu ezean, EEEK aseguru horiek egiaztatzeko agiriak aurkezteko eskatzen duen egunetik kontatzen hasita, ordainduta daudela argi nabarmenduz, EEEK eskubidea izango du antzeko estaldura izango duten aseguruak kontratatzeko, eta horien kostuak kontratzailearen kontura joango dira eta, hala dagokionean, EEEK kontratistari egin beharreko ordainketatik kenduko dira.

3.- Aseguruen inguruan kontratistari begira ezarritako eskakizun guztiak azpikontratistei ere eragingo dizkiete, betiere modu egokian eta arriskuen proportzionaltasunaren arabera, eta alor honetan hutsune edo gabeziaren bat izanez gero, EEERI eman beharko dizkio azalpenak.

4.- Aipatutako aseguru edo polizetan aldaketarik izanez gero, bertan behera edo berritzeak egiten badira, adibidez, kontratistak EEERI jakinaraziko dio. Era berean, EEEK hala eskatzen baldin badio, kontratistak aseguruaren kontratuen kopia eta ordainduta daudela egiaztatzen dituzten dokumentuak erakutsiko dizkio. Kontratistak egiaztatzen edo bidaltzen ez baditu eskatutakoa, bere aldetik kontratua ez betetzea lekarke.

5.- Kontratistaren kargura izango diren arrisku, betebehar eta erantzukizunak ez dira mugatzen klausula honetan aipatzen diren aseguruaren kontrataziora. Hori horrela, hartutako arriskuetatik erator daitezkeen betebehar eta erantzukizunak ez dira soil-soilik sinatutako aseguruaren zenbatekoetara mugatuko, EEERen edo besteren kaltean gauzak gertatuz gero.

6.- Atal honetan aipatutako aseguru guztien kostua kontratistak ordaindu beharko du.

## **22 EGINDAKO LANEN JABETZA ETA DATU PERTSONALEN ERABILERA**

### **22.1 Egindako lanen jabetza**

EEERen jabetzapekoak izango dira jasotako zerbitzua eta egindako lanei dagozkien eskubideak, baita hauen jabego industrial eta komertziala ere, EEERen esku egonik horien erabilera, beste inork merkaturatu, berregin edo beste era batez erabiltzeko aukerarik izan gabe EEEK espresuki baimentzen ez badu, eta ondorioz, honek jabegoari dagozkion agiri edo materialak ematea eskatu ahal izango du, aurrekariak, datuak eta prozedura guztiak barne.

Jabego intelektual edo industrialaz babestutako produktuak garatzea eta erabiltzeko moduan jartzea xede duten zerbitzu-kontratuek EEERen esku utziko dute aipatutako jabego intelektual edo industrialak.

Jabego intelektualari atxiki dakizkiokeen lanak EEERI eskusibaz emandakoak direla ulertuko da, salbu eta aldez aurretiko eskubideak dauden kasuetan, halakoetan emakida eskusibotasunik gabe egin daiteke eta.

Kontratua indargabetu ahal izango da, baldin eta egiaztatzen bada kontratistak kontratugaitzat jo daitezkeen lana, osorik nahiz zatika, hirugarrenen esku utzi duela EEERen baimenik gabe. Kontratua indargabetzeko kausa hau gertatzekotan, kontratistak kontratua bete gabe utzi duela ulertuko da ondorio guztietarako.



## 22.2 Datu pertsonalen erabilera

Abenduaren 13ko Datu Pertsonalak Babesteko 15/1999 Lege Organikoak xedatutakoa betez, kontratu honen gauzatzearen ondorioz, EEEK aginduko dion eran erabiliko du informazioa kontratistak, eta kontratuarekin zerikusia ez duen zereginetarako ez du erabiliko, ezta beste pertsona batzuei emango ere.

## 23 LAGAPENA ETA AZPIKONTRATAZIOA

a) Kontratuaren lagapenerako legezko eskakizunei dagokionez, SPKLen 209 artikuluan zehaztutakoa bete beharko da. Dena dela ere, EEEK aldez aurretik eta berariaz baimendu beharko du kontratuaren lagapena.

Kontratua ezin izango da laga, berau esleitzeko arrazoi erabakigarriak jatorrizko kontratistaren gaitasun pertsonal edo teknikoak izanez gero.

b) Kontratistak azpikontratak egin nahi izanez gero, SPKLen 210 artikuluan zehazten diren xedapenak bete behar ditu. EEEri azpikontratu hori adierazten dion idatzian, aipatutako xedapen horiez gain, azpikontratua egikaritzeko baldintza teknikoak ere azaldu beharko dira.

Nolanahi ere, azpikontratazioek honako baldintza hauek bete beharko dituzte:

- (i) Kontratistak aldez aurretik jakinarazi behar dizkio EEEri idatziz egin nahi dituen azpikontratu guztiak, azpikontratista bakoitzari lotutako kontratuaren aldea adieraziz
- (ii) EEEK aldez aurretik onartu behar du.

Hala ere, jakinarazitako azpikontratazioa ez onartzeko eskubidea bere gain hartzen du EEEK, baldin eta proposatutako azpikontrataren gaitasun teknikoa nahiko egiaztatuta ez badago, edo azpikontratua gauzatzeko baldintza teknikoak aski bermatuak ez badaude.

Azpikontratatuak jatorrizko kontratistaren mende geratuko dira eta jatorrizko kontratista hori izango da, EEEri dagokionez, Plegu honetan eta kontratuan zehazten diren betebeharren ardura izango duena.

## 24 HIZKUNTZA BALDINTZAK ZERBITZU KONTRATUETAN

Azterlanak, txostenak, proiektuak eta kontratu honi lotutako gainerako lanak EAEko hizkuntza ofizial bietan egingo dira. Horren barruan sartzen dira software guztien testuzko eta entzunezko interfazeak.

Kontratuak herritarrei zerbitzuak ematea eskatzen duenean, kontratua gauzatzeko ardura duen enpresaren eta zerbitzuaren erabiltzailearen arteko ahozko komunikazioetan eta komunikazio idatzietan erabiltzaileak aukeratutako hizkuntza erabiliko da.

Berariaz inolako aukerarik egiten ez bada, kontratua gauzatzeko ardura duen enpresak pertsona fisikoei eta juridikoei egiten dien era guztietako jakinarazpen eta komunikazioak hizkuntza ofizial bietan egingo dira, fakturak eta zirkulazioko bestelako agiriak barne. Hala ere, prestazioaren jasotzaileak edozein unetan erabil



dezake hizkuntza aukeratzeko eskubidea eta, ondorioz, nahi duenean eskatu ahal izango du hizkuntza ofizialetako bakar bat erabiltzea.

Administrazio kontratu-egilearekiko harremanetan, normalean euskara erabiliko da. Kontratua gauzatzeari begira, hauxe da “normalean euskara erabiltzea”: a) ahozko komunikazioetan, euskaraz dakien langileek euskaraz egingo dute, hasiera baten, kontratua gauzatzeko zereginak direla eta administrazio kontratu-egilearekin harremanetan jartzen direnean. Administrazio kontratu-egilea euskaraz zuzentzen ari den langile bati eta horrek hizkuntza behar bezala menperatzen ez badu, kontratua gauzatzeko ardura duen enpresak berehala jarri beharko ditu euskara behar bezain ondo dakiten langileak edo bitartekoak, kontratuaren ondorioz administrazioarekin burutu beharreko harremanak euskaraz izan daitezzen, eta b) komunikazio idatziak euskaraz eta gaztelaniaz egingo dira, salbu eta igorleak eta hartzaileak euskara hutsean egitea erabakitzen badute.

## **25 KONTRATUAREN ARDURADUNA**

Izaera teknikoko erabakiak hartzerakoan, EEEK kontratuaren arduraduna izenda dezake, kontratistak egindako lanen gaineko aholkularitza eta ikuskapen lanak egin ditzan, eta kontratazio-organoaren edo honek ordezkariatza aukeratzen duen pertsonaren eskumena izango da kontratuaren arduradunak kontratuaren garapenez egindako jarraipenaren ondoriozko erabakiak hartzea.

Era berean, aintzat hartuko ditu Plegu honetan egotzitako zereginak. Kontratazio-organoak kontratuaren arduradunaren esku utz ditzake kontratuaren burutzapenez dituen eskubide eta ahalmenak, guztiak edo batzuen batzuk.

## **26 KONTRATUAREN IRAUNGIPENA/DEUSEZTAPENA**

Amaitu delako, bete delako edo eten delako iraungiko da kontratua.

Kontratua iraungitzeko arrazoiak baldintza-orri honetan, Kode Zibilean eta SPKLen 206 artikuluan zehazten direnak izango dira. Baita honako arrazoi hauek ere:

(i) Baldin eta kontratua gauzatzeko garaian, hirugarrenen ekintzen ondorioz, kontratua gauzatzea ezinezkoa balitz ikuspuntu tekniko nahiz ekonomikotik, bidezkoa litzateke, EEEK egokitzat joz gero, kontratua indargabetzea, eta ondorioz, kontratistari EEEK eskatu eta bere horreketan gauzatutako lanak ordainduko litzazkioke soilik, arrazoi honengatik CADEMi kalte-ordaina eskatu edo erreklamazioa egitea bidegabekoa delarik.

(ii) Kontratistaren berandutza kontratuan adierazitako lanak egiteko epea betetzerakoan.

(iii) Kontratuan ageri diren gainerako funtsezko betebeharrak ez betetzea.

Ezarrিতako baldintzen arabera arrazoi hauetako edozein gertatuz gero, EEE baimenduta egongo da kontratua indargabekotzat jotzeko, eta Plegu honen eta indarreko araudiaren arabera dagokion kalte-galeren ordaina eskatu ahal izango du, betearazpen subsidiarioaz baliatzeko aukera barne, egin gabe geratu diren betebeharrak gauzatuz edota lanak gauzatzen jarraituz, berez edo egokitzat jotzen dituen pertsona edo enpresen bitartez, kontratistaren kontura.



## 27 JURISDIKZIO ESKUDUNA

Jurisdikzio Zibileko Epaitegiak izango dira (SPKLen 21.2 artikulua) kontratu hau prestatzean, esleitzean, interpretatzean, betetzean eta amaitzean sor daitezkeen auziak erabakitzeko eskudunak, eta bi aldeak borondatez jartzen dira Bilboko epaitegi eta auzitegien mende. Era berean, berariaz egiten diete uko erabilgarri izan ditzaketen bestelako foroei.



## 1. ERANSKINA PROPOSAMEN EKONOMIKOA

Izen-abizenak: .....

Nortasun Agiri Nazionalaren zenbakia:.....

Ordezkatzen duen enpresa: .....

Enpresaren Identifikazio Fiskaleko Kodea:.....

Enpresaren bulegoen helbidea: .....

Datu horiek Kontrataziorako Oinarrizko Baldintzetan agertzen den eran frogatu ostean, hau adierazten dut:

1. Ibilgailua elektrikoak berriz kargatzeko zerbitzuak emango dituen etorkizuneko enpresarentzako negozio plana prestatzea, Euskadiko hiru lurralde historikoetan jarduteko kontratua esleitzeko antolatutako LEHIAKETAREN berri emateko EEEn Kontratatzailearen Eskakizunean edo Profilean argitaratutako iragarkia ezagutzen dut.
2. Baldintza Teknikoen Pleguak, Oinarrizko Baldintzenak eta gainerako dokumentazioa aztertu eta ezagutzen dut.
3. Kontrataziorako Oinarrizko Baldintzen Pleguaren lehen klausulan aipatzen diren legezko eta arauzko testuak ere ezagutzen ditut.
4. Horiekin ados nago eta borondatez, bere osotasunean eta aldaketarik gabe onartzen ditut 2. eta 3. ataletan adierazten diren legezko eta arauzko dokumentu eta testuak.
5. Esleipenduna gertatuz gero, aipatutako kontratua gauzatzeko konpromisoa hartzen dut, gehieneko prezio hauen arabera: ... euro; gehi BEZari dagokion ... euro. Beraz, guztira ... euro.

[Lekua, data eta sinadura]





## 2. ERANSKINA

### LIZITATZAILEAREN ARDURA-ADIERAZPENA, ADMINISTRAZIO PUBLIKOekin KONTRATATZEKO DEBEKURIK EZ DUELA EGIAZTATZEKO

Izen-abizenak: .....  
Nortasun Agiri Nazionalaren zenbakia:.....  
Ordezkatzen duen enpresa: .....  
Enpresaren Identifikazio Fiskaleko Kodea: .....  
Enpresaren bulegoen helbidea: .....  
.....

Egiaztatzen dut ez nik, ez ordezkatzen dudan merkataritza-sozietateak, ez sozietate horretako gobernu-organoetako pertsonak, ez dugula urriaren 30eko 30/2007 Sektore Publikoko Kontratuen Legeko 49. artikuluan adierazitako kontratatzeke debekurik.

Halaber, egiaztatzen dut enpresak egunean betetzen dituela zerga-betebeharrak eta Gizarte Segurantzarekikoak.

Eta hala jasota gera dadin, EEErekin kontratatzeke lizitatzailleek aurkeztu beharreko dokumentazio gisa, ziurtagiri hau egin dut:

[*Lekua, data eta sinadura*]



### III. ERANSKINA BANKU-ABALAREN EREDUA (BEHIN BETIKO BERMEA)

[...] bankuak, (aurrerantzean, “**Bankua**”) eta haren izenean eta ordezkaritzan [...], egintza hau egiteko bezainbat aginpide duenak, [...] notarioaren aurrean, [...] protokolo-zenbakiarekin, [...] egunean emandako ahalmenaz baliaturik, eta aldatu ezta kendua ere izan ez dena.

ABALATZEN dio [...] sozietateari (aurrerantzean, “**Sozietatea**”), lehen eskarian eta era solidarioan, .I.F.K.: [...], eta [...] helbidea duenari, [...], [*Erakunde Kontratatzailearen izena*] aurrean (aurrerantzean, “**Onuraduna**”), I.F.K.: [...], eta [...] helbidea duena, [...] euroko gehieneko zenbatekoraino (aurrerantzean, “**Bermatutako zenbatekoa**”), [*kontratuaren izena idatzī*] xedea duen kontratua modu egokian garatu eta gauzatzeko, [...] datarekin Sozietateak eta Onuradunak sinatutako kontratua, eta Bankuak ezagutzen duela adierazita.

Abalaren baldintzak hauexek dira:

- (i) Bankuak berriaz uko egiten die ondasunen ordenari, eskusioari eta zatiketari; baita defentsa agertarazteko era guztiei ere.
- (ii) Abal honek izaera abstraktua du: beraz, Onuradunak ez du zertan adierazi edo justifikatu bermea gauzatzeko dituen arrazoiak, eta bermearen kontura ordainketaren eskariaren aurrean, Bankuak ezin izango du oztopo edo eragozpenik jarri, Sozietateak jar ditzakeen eragozpenak edozein direla ere.
- (iii) Onuradunak eskatzen duen diru kantitatea ordaindu beharko dio Bankuak bost (5) egun naturaleko gehieneko epean, idatziz edo beste modu batez [...] helbidera egiten den eskariaren egunetik kontatzen hasita.
- (iv) Onuradunak eskatuko duen diru-kantitatea ordainketa batean edo bitan egingo dio Bankuak, onuradunak esango dion eran; betiere Bermatutako zenbatekoa gainditzen ez bada.
- (v) Onuradunak emandako bankuaren kontu-korrontean egingo dira ordainketak, kenketarik gabe, honako arrazoiak hauengatik: zergak, eskubideak, karguak, konpentsazioak, erreklamazioak, eta oraingo edo etorkizuneko kenketa edo atxikipenak.
- (vi) Abal honen iraupena mugagabea izango da, Onuradunak baliogabetzeko baimena eman arte, idatzizko adierazpen baten bidez.
- (vii) Berme hau Espainiako zuzenbidearen arabera arautzen da. Gerta daitezkeen auziak erabakitzeke bi aldeak jartzen dira Bilboko epaitegi eta auzitegien mende. Era berean, berriaz egiten diete uko erabilgarri izan ditzaketen bestelako jurisdikzioei.

Berme hau Bermeen Erregistro Ofizialean erregistratu da, [...] zenbakiarekin, 200[ ](e)ko [ ]aren ....(e)an.

[Lekua eta eguna]  
[Erakundearen izen soziala]  
[Ahdun(ar)en sinadura]



**IV. ERANSKINA**  
**EKONOMIA JARDUEREN GAINKO AITORPENAREN EREDUA**

Izen-abizenak: .....  
Nortasun Agiri Nazionalaren zenbakia: .....  
Ordezkatzen duen enpresa: .....  
Enpresaren Identifikazio Fiskaleko Kodea: .....  
Enpresaren bulegoen helbidea: .....  
.....

**Nire erantzukizunpean, adierazten dut:**

Tokiko zergei buruz indarrean dagoen araudiaren eta, zehazki, Ekonomia Jardueren gaineko Zergaren araupenaren arabera, jarraian zerrendatzen diren epigrafeetan zerga horren matrikulan alta ematera behartuta dago enpresa, eta ez du bajarik hartu zerga horretan:

.....	.....	.....
.....	.....	.....
.....	.....	.....
.....	.....	.....
.....	.....	.....

[Lekua, data eta sinadura]



## 5. ERANSKINA XEHAZTAPEN TEKNIKOEN TXOTENA

### I. EGITASMOA

Euskadiko hiru lurralde historikoetan jarduteko, ibilgailu elektrikoak energiaz hornitzeko zerbitzuak emango dituen etorkizuneko enpresarentzako negozio plana prestatzean datza egitasmoa.

### II. HELBURUA

Lanaren azken helburua da ibilgailu elektrikoak berriz kargatzeko edota bateriak ordezkatzeko zerbitzuak emango dituen etorkizuneko enpresarentzako negozio plana eratzea, epe labur eta ertainean negozioa aurrera eramateko planifikazioa ezarriz eta, aldi berean, kokalekuak, aurreikusten diren kutxa-fluxuak, sozietatearen nondik norakoak eta araudiei lotutakoa, xede-publikoa eta egin beharreko inbertsioak identifikatuz, besteak beste.

### III. LANAREN IRISMENA

#### A. SARRERA

Europar Batzordeak finkatutako helburuei jarraiki, Eusko Jaurlaritzaren energia-politikak aurrera eramateko ardura duen erakundea den aldetik, Energiaren Euskal Erakundeak (EEE) abian jarri du 2009an ibilgailu elektrikoari sarbidea emateko egitasmo bat, datozen urteetan mugikortasunari eman diezaiokegun irtenbiderik egokiena delakoan.

Automobil-parke bat beste erregai bat erabiltzeko prestatzea edo eraldatzea, kasu honetan elektrizitatea erabiltzeko, denbora asko eskatzen duen prozesua da; izan ere, oztopo teknologikoei aurre egiteaz gain, gizarte-onarpena eskuratu beharra dago, gaur egun, batez beste, 16 urte irauten edo bizitza erabilgarria den ondasun bat ordezkatzeko dakar. Horrekin batera, beste erregai bat erabiltzen duen ibilgailu mota berri batek eskatzen du, besteak beste, hornitzeko sare berri bat eratzea; ezinbestekoa dena, gainera. Hori guztia errazteari begira, administrazioaren zeregina garrantzi handikoa da, ibilgailu elektrikoaren erosle potentziala animatzeko orduan, ibilgailua berriz kargatzeko ziurtasun osoa eduki ezean, erosteko erabakia nekez hartuko baitu. Aldi berean, ibilgailu elektriko berriz kargatzeko instalazioen sustatzailea edo promotorea izan litekeenak atzera egiten du erosle potentzialik ez badu. Beraz, gorpil zoro hori gainditzeko, administrazioaren egitekoa oso garrantzitsua izan daiteke.

Hori horrela, Euskadin ibilgailu elektriko erabateko garapena izan dadin, gai honetan, ibilgailuak berriz kargatzeko sarea eratzea da EEEren lehentasuna, teknologia honen etorkizuneko erabiltzaileari bere ibilgailuaren erabilgarritasuna bermatzeko, Euskadin, gutxienez.

Gauzak horrela, EEEk akordio bat sinatu du Repsolekin, garraiorako energia hornitzen duen punta-puntako energia enpresa denarekin, enpresa bat eratzeari begira, bideragarritasun azterlan tekniko eta ekonomikoa egiteko. Ibilgailu elektrikoak energiaz hornitzeko zerbitzuak ematea helburua izango duen enpresa, hain zuzen ere.



Aipagai dugun enpresa edo negozioaren errentagarritasun ekonomikoa epe luzean lortuko dela jabetuta, enpresa publiko baten partaidetza edo parte hartzea justifikatuta dagoela uste dugu. Goraxeago aipatutako gurpil zoroa nekez hautsiko litzateke, erakunde edo enpresa publikoren batek parte hartuko ez balu. Horrexegatik, EEEren partaidetza funtsezkoa iruditzen zaigu.

2010-2020 aldia hasierako epetzat jotzen da merkatua jorrazteko alor honetan. Aurreikuspenen arabera, aldi horren ondorengo hamarkadan urrats garrantzitsuak emango dira ibilgailu elektrikoaren garapenean.

## **B. GARATU BEHARREKO LANAK**

Kontratistak honako jarduera hauek garatu beharko ditu:

- Etorkizuneko ibilgailu elektrikoaren perspektibei buruzko azterketa, alderdi hauek, besteak beste, kontuan hartuta:
  - Erreferentzia-esparruaren azterketa, Europar Batasunean, Ameriketako Estatu Batuetan eta Japonian ibilgailu elektrikoaren alde egindako lanei eta aurrera eramandako politikei erreparatuz.
  - Gaur egun eta epea laburrean egon daitekeen ibilgailu elektriko eta entxufatzeko hibridoaren eskaintzaren azterketa (modeloak, energia elektriko metatzeko sistemen ezaugarriak, prestazioak, autonomia...). Horrekin batera, epe labur eta ertainean ibilgailuen fabrikatzaileen estrategien azterlana.
  - Gaur egun dauden beste alternatiba batzuen aurrean (konbentzionala, bioerregaiak, GNC, GNL, GLP, erregai-pilak, H<sub>2</sub>, etab.) ibilgailu elektrikoaren potentzialaren azterketa eta konparaketa, artearen egoeraz, etorkizuneko merkatuez, TCO<sub>z</sub> (Total Cost Ownership), zerga sistema, prestazioak, egoera, prezioak, eta CO<sub>2</sub> emisioen bizitza-zikloaren azterketa.
  - Ibilgailu elektrikoari sarbidea emateko oztopoen identifikazioa.
  - Kontsumitzaile potentzialaren, bai erakundeetakoak bai pribatuak profilaren azterketa, eta ibilgailu elektriko eskuratzeko arrazoi nagusien azterlana.
  - Beste herrialde batzuetako administrazioek Ibilgailu elektrikoaren alde egindako lanen eta hartutako neurrien adibideak.
  - 2020. urteari begira, ibilgailu elektrikoak merkatuan izango duen presentziaren inguruko azterlana, gutxienez hiru eszenatoki posible aurkeztu beharko dira.
  - Ibilgailu elektrikoaren garapenak euskal industriari ekar diezazkiokeen onuren edo aukeren azterketa.
  - Baterien fabrikazioaren negozioari buruzko azterlana. Fabrikatzaile nagusien identifikazioa, teknologia, lehengaien eskuragarritasuna, planten kokalekua, automobilak fabrikatzen dituzten enpresekin egindako akordioak eta epe labur eta ertainean izan litezken prestazioen hobekuntzak.
- Kargaz edo baterien ordezkapenez, munduan ibilgailu elektrikoak energiaz hornitzeko diren sare-operazio ereduaren identifikazioa. Identifikatuko den eredu bakoitzaren gainean honako informazio edo dokumentazioa eskuratuko da:
  - Hasierako sustatzailea eta egungo jabea.
  - Jarduteko eremu geografikoa.
  - Abian jarritako data.
  - Negozioa zabaltzeko edo hedatzeko planak.



- Erabilitako teknologia (karga motela/arina, baterien ordezkapena, indukzio bidezko karga, bezeroa identifikatzeko sistema, zerbitzua kobratzeko modua, etab.).
- Hornitzeko guneak hautatzeko estrategia eta tipologia.
- Ohiko bezeroaren tipologia.
- Administrazioen parte hartze maila.
- Harremanik baldin badute, operadore elektrikoekin edota ibilgailuen fabrikatzaileekin dituzten harremanen nondik norakoa.
- Beste zerbitzu osagarri batzuk (baterien finantzazioa, ...)
- Ibilgailu elektrikoak sustatzeari begira, emandako pizgarri edo laguntzen ezaugarriak.
- Instalazio eta mantentzeari lotutako kostuak.
- Aplikagarria izan dakioken legeria, betetzeari zein kostuei begira batik bat; instalazioen ingurumen baldintzak, ezartzeko hirigintza eskakizunak, eraikitze eta eragiteko segurtasun araudiak, energia elektrikoaren merkaturatzea eta beste.
- Beste batzuk.

Lan horiek guztiak aurrera eramateko, kontratistak harreman sakon eta etengabea eduki beharko luke EEERekin eta Repsolekin. Hartara, justifikatuta eta adostuta egongo den eredu egokiena hautatu ahal izango da denon artean.

- Euskadin ezartzeko eredu egokienaren hautaketa, eta eredu hori egokitzeko gomendioak; geroago, negozio eredu gisa aztertzeke.

Hautaketa hori behar bezala justifikatu eta adostuko da EEERekin eta Repsolekin, eta Euskadin den errealitatera ahalik eta ondoen egokitzeko hobekuntzak eta aldaketak zehaztasunez azalduko dira. Eredu egokia hautatzeko, ezinbesteko baldintza da, epe laburrean, sarea Euskadi osoan hedatuta egotea. Hala ere, kontratistaren zeregina izango da elektrizitatez hornitzeko guneen arteko distantzia minimoa finkatzea, hasieran; betiere, horrelako ibilgailu elektrikoaren mugikortasuna ziurtatuz, Euskadiko hiru lurralde historikoetan zehar; gaur egun, 150 km-ko autonomia nominal handienak kontuan hartuz. Ereduak etapaka ezartzeko aukera hartuko du kontuan, egin beharreko inbertsioak egokitzeko eta arrakasta handien izan litezkeen aldeei lehentasuna emanez.

- Euskadiko hiru lurralde historikoetan jarduteko, ibilgailu elektrikoak berriz kargatzeko zerbitzuak emango dituen etorkizuneko enpresarentzako negozio-planaren prestaketa.

Negozio-plan horrek, gutxienez, honako atal eta eduki hauek izango ditu:

1. Enpresaren deskribapen orokorra.
  - a. Enpresaren misioa (premiaren identifikazioa).
  - b. Negozioaren nondik norakoa eta garatzeko modua.
  - c. Helburuak epe labur eta luzean.
2. Ingurunearen azterketa.
  - a. Enpresaren garapenean eragina izan dezaketen kanpo-faktoreen azterketa: ekonomikoa, sozialak, teknologikoak, politikoa, ingurumenari lotutakoak eta abar.



- b. Arrisku potentzialen identifikazioa eta ebaluazioa, baita arriskuei aurre egiteko neurri zehatzen proposamenak.
3. Merkatuaren azterlana.
  - a. Xede-publikoaren identifikazioa, bete edo ase nahi diren premiak, ibilgailu elektrikoaren erosteko arrazoiaren azterlan eta denboran parametro horien bilakaerari buruzko azterketa (aurreikusten den hazkundea).
  - b. Mugikortasuna hobetzeko eta ibilgailu elektrikoak berriz kargatzeko beste alternatiba batzuen aldean, abantailen deskribapena.
  - c. Lehiakideak izan litezkeen elkarte edo enpresen identifikazioa eta azterketa.
  - d. Gaur egungo oztopoak eta eragozpenak.
  - e. Sustatzeko neurriak: ibilgailu elektrikoaren erabilera bultzatzeko negozio-planeari aurreikusten diren araudiak edo ordenantzak, horiek ezartzeko erakunde arduradunaren identifikazioarekin.
  - f. Betetzeari eta kostuen eraginari begira, aplikagarriak izan daitezkeen araudi nagusiak.
4. Barne- eta kanpo-diagnostikoa.
  - a. DAFO matriza prestatuko da (ahuldadeak, mehatxuak, indarguneak eta aukerak), eta horretan oinarrituta garatuko da enpresaren estrategia.
5. Azterlan teknikoa eta eragiketarako eredia.
  - a. Behar diren instalazioen eta erabiliko diren teknologien deskribapena (berriz kargatzeko, bateriak ordezkatzeko gune eta zentroak, bertan energia berriztagarriak ekoizteko integrazioarekin aukerak, etab.).
  - b. Instalazioen banaketa geografiko zehatza, kokatzeko estrategiarekin batera eta ibilgailuen mugikortasunaren estalduraren inguruko azterketa.
  - c. Proposatzen diren konponbideen deskribapena, berriz kargatzeko guneen kokalekua, beroen identifikazioa, ordaintzeko bideak eta abar.
  - d. Proposatzen den eragiketarako ereduaren deskribapen global eta zehatza.
6. Marketing-plana.
  - a. Merkataritza estrategien deskribapena. Honako alderdi hauek zehaztu beharko dira: bezeroarengana iristeko bideak, produktua (elektrizitatea bakarrik, elektrikitatea eta baterien mailegua, etab.), produktuaren zerbitzu gehigarriak, ezarriko den prezioen egitura, kobratzeko sistemak eta abar.
  - b. Helburu kualitatiboak: bezeroaren ezaugarriak, eremu geografikoak, etab.
  - c. Helburu kuantitatiboak: merkatu-kuota, urteko salmentak, bezero kopurua, kargatzeko gune kopurua eta abar.
  - d. Marka irudiaren eraketa.
  - e. Hasierako marketing-politikak (hasierako prezioak eta izan litezkeen deskontuak eta komunikazio-politika barne).
  - f. Xede-prezioaren identifikazioa (bezero potentzialak ordaintzeko prest leudekeen prezioa).
  - g. Merkataritza-jarduna: nola iritsiko da bezeroarengana, publizitatea, babesleak eta abar.
7. Antolakuntza eta eragiteko egitura.
  - a. Enpresa banatuko den sail bakoitzean garatuko diren jardueren deskribapena.
  - b. Beste enpresa batzuei azpikontratatuak zaizkien lanen zehaztapena.



8. Kokalekua eta behar diren baliabideak.
  - a. Kokalekua, tamaina eta ezaugarri nagusiak deskribatuko dira; beharrezkoak izango diren instalazio motak, alokatu edo erosteko komenigarritasuna eta abar.
9. Giza baliabideak.
  - a. Enpresa abian jartzeko giza baliabideen beharraren deskribapena; baita epe ertainean izan litezkeen premiak. Zuzendaritza taldean komenigarriak izan daitezkeen trebetasunak, gaitasunak eta esperientzia zehaztuko dira.
  - b. Langileen antolaketaren diseinua, enpresaren kargu hierarkikoen deskribapena.
10. Legeari eta merkataritzari lotutako alderdiak.
  - a. Enpresaren era juridikoa, eta hori aukeratzeko arrazoibideak edo abantailak, indarrean dauden beste era juridiko batzuen aldean.
11. Bideragarritasun plan ekonomiko eta finantzarioa.
  - a. Plan ekonomiko eta finantzarioak aurreikusten diren inbertsioak eta finantza premiak islatuko ditu; baita espero den kutxa-fluxua (egingo diren gastuak eta diru-sarrerak). Horrekin batera, diruzaintzaren aurrekontuen, oreka puntua eta inbertsioak eta errentagarritasun parametroak berreskuratzeko aldiaren kalkularen inguruko informazioa zehaztuko da.
  - b. Jarduteko lehen bost urteei begira, plan horrek honako alderdi hauek deskribatuko ditu: aurreikusten diren inbertsioak, finantziario, gastu eta diru-sarreraren aurrekontuak, behin-behineko emaitzen kontua, diruzaintzaren aurrekontuak, egokitzeko funtsa, behin-behineko egoeraren inguruko balantzeak, banaketaren aurrekontua, etekinen banaketa, inbertsoaren berreskurapena eta espero den errentagarritasuna.
12. Garapen egoeraren deskribapena eta ezartzeko plana.
  - a. Ezarriko diren energia konponbideen garapen teknologikoaren egoera gaur egun. Egin beharko diren garapen premia osagarriak.
  - b. Enpresa martxan jartzeko egin behar diren jarduera guztiak inplementatzeko plana.
  - c. Inplementazio-egutegia: jarduera nagusiak eta haien arduradunak.
  - d. Mugarri garrantzitsuak: lortzeko uneka eta beste jarduera batzuekiko loturak.
  - e. Lan talde guztien arteko harreman edo lotura nagusiak (marketing, eragiketak eta abar).
13. Kontingentzia estrategiak.
  - a. Kontingentzia estrategien proposamenak, negozioak aurreikusitako helburuak lortzen ez baldin baditu.

### **C. EMANEKOAK**

Goraxeago aipatutako edukia izango duen honako dokumentazio hau emango dio kontratistak EEeri:

- Ibilgailu elektrikoaren etorkizuneko perspektiben azterketa (1. emanekoa).
- Berriz kargatzeko dauden sareen operazio ereduaren azterketa eta azterlan teknikoa, Euskadin ezartzeko ereduaren inguruko proposamena (2. emanekoa).
- Euskadiko hiru lurralde historikoetan jarduteko, ibilgailu elektrikoak berriz kargatzeko zerbitzuak emango dituen etorkizuneko enpresarentzako negozio-plana (3. emanekoa).





#### D. LANAK GAUZATZEKO EPEAK

Energiaren Euskal Erakundeak (EEE) adierazi eta zehaztuko du lanen hasiera noiz izango den. Une horretatik aurrera, kontratistak bost hilabeteko epea izango du azken dokumentua entregatzeko, entregatzeko mugarri hauek kontuan hartuta:

- 1. emanekoa: kontratuaren hasieratik 1,5 hilabetera.
- 2. emanekoa: kontratuaren hasieratik 2 hilabetera.
- Erabakia (EEE + kontratista) aplikatu behar den ereduaz: kontratuaren hasieratik 2,5 hilabetera.
- 3. emanekoa (zirriborroa): kontratuaren hasieratik 4 hilabetera.
- 3. emanekoa (azkena): kontratuaren hasieratik 5 hilabetera.

#### E. INFORMAZIO OSAGARRIA

Kontratistak lankidetzan aritu beharko du EEEK lizitatuko duen ondorengo proiektuaren kontratistarekin. Proiektu horren izenburua hauxe da:

*Ibilgailu elektrikoetan bateriak arin ordezkatzeko instalazioen eta karga motel eta arina egiteko guneen zehaztapen teknikoaren prestaketa.*

Proiektu hori, funtsean, hiru instalazio motaren zehaztapen teknikoak prestatzean datza. Hain zuzen ere, geroago EEEK erabiliko dituen instalazioak, bertan ibilgailu elektrikoak berriz kargatzeko zentro publikoak eraikitzeke asmoz, baita modu partikularrean berriz kargatzeko banakako gunearen dimentsionamendurako ere erabiliko direnak.